

Claodin Dö Giabbe - Un ömmö cö nö vöta ciû (dedicâ a Casarino Pierino)

L'è nêutte, e 'nto silenziö,
röttö dai compressoi de l'officinn-a,
sön chi che veggiò,
e miando in gio,
mi veddo sempre e stesse cose,
telefono, relêuiö, cartellin
e 'n quadro.
Un quadro cön 'na fôtögrafia,
ûn zöeno cön 'na faccia triste
l'è ûn morto,
massou 'n te l'âtra goera.
Mi nön l'ho cönösciûo,
ma o l'ea ûn fræ,
ûn fræ de tûtti quanti
che-o l'ha daetö a sêu vitta pe' nûatri,
pe' quella libertae che ciû de ûn
o cerca de robane.
Ma non e lascemmö fâ,
non permettimmo che a feccia
a törne a cömandâ,
pensemmo ai nostri fræ
che tûtto han daeto pe' a nostra libertae,
pensemmo ai nostri figgi
che creddan in te nûatri
prönti, se necessaiö, a-ö sacrifiziö estremo
perchè nön segge,
'sto sangoe santö,
versou inûtilmente.